

## 8. gr.

Hitaveitan leggur dreifikerfi að lóðamörkum og setur þar stillingu fyrir hámarksrennsli, samkvæmt 3. gr.

Hitaveitunni er heimilt að setja hemla á inntök íbúðarhúsa.

Allar heimæðar skulu lagðar á kostnað notenda. Í skipulögðum íbúðarhúsaahverfum leggur hitaveitan heimæðar inn fyrir vegg íbúðarhúsa og greiðir notandi fyrir samkvæmt reikningi, en aðrar heimæðar er notanda heimilt að leggja, en undir eftirliti hitaveitustjóra. Telji hitaveitustjóri frágang eða efni heimæðar ófullnægjandi getur hitaveitan neitað viðkomandi um vatn þar til úr hefur verið bætt.

## 9. gr.

Stjórn hitaveitunnar er heimilt að breyta hitaveitugjöldum, enda sé breytingin staðfest af iðnaðarráðuneytinu hverju sinni.

## 10. gr.

Hitaveitan hefur rétt til að loka fyrir rennsli heita vatnssins að býli eða íbúð notanda, sem vanrækir að greiða hitaveitugjöld. Fyrirætlun um lokun skal tilkynna á sannanlegan hátt með 7 daga fyrirvara. Allan kostnað við lokun og opnun á ný greiðir sá, sem vanskilum veldur kr. 1 067.00 í hvert sinn.

Öll gjöld samkvæmt gjaldskrá þessari má taka lögtaki á kostnað gjaldanda.

## 11. gr.

Hitaveitustjóra eða starfsmönnum hitaveitunnar skal hvenær sem er frjálts aðgangur að öllum lokum, hitagjöfum og vatnsæðum, sem eru í sambandi við hitaveituna. Er notendum hitaveitunnar skylt að hlýta tafarlaust fyrirmælum hitaveitustjóra um viðgerðir á bilunum og sérhverjum ráðstöfunum til varnar gegn misnotkun heita vatnsins.

## 12. gr.

Gjaldskrárbreyting þessi er hér með staðfest samkvæmt orkulögum nr. 58 29. apríl 1967 til að öðlast gildi 1. mars 1986 og birtast til eftirbreytni öllum, sem hlut eiga að máli. Jafnframt fellur úr gildi eldri gjaldskrá sama efnis nr. 280 9. júlí 1985.

*Iðnaðarráðuneytið, 12. febrúar 1986.*

**Albert Guðmundsson.**

*Guðrún Skúladóttir.*

**REGLUR****um ársreikning viðskiptabanka og sparisjóða.**

## 1. gr.

Hver viðskiptabanki og sparisjóður skal semja ársreikning fyrir hvert reikningsár. Ársreikningur skal hafa að geyma ársskýslu, rekstrarreikning og efnahagsreikning. Reikningsárið er hið sama og almanaksárið.

Ársreikningur skal gerður samkvæmt lögum og góðri reikningsskilavenju, bæði að því er varðar mat á hinum ýmsu liðum og framsetningu.

Ársreikningi skulu fylgja skýringar á einstökum liðum í samræmi við ákvæði þessara reglna, sbr. 16. gr.

## 2. gr.

Um endurmat og fyrningu varanlegra rekstrarfjármuna og um færslu vegna verðlagsbreytinga skal beita reglum laga nr. 75/1981 um tekjuskatt og eignarskatt með síðari breytingum, þó með þeirri undantekningu að við útreikning á verðbreytingarfærslu skal miða við breytingu á lánskjaravísitölu frá 1. janúar á reikningsári til 1. janúar á næsta ári.

Varanlega rekstrarfjármuni skal færa til eignar á endurmetnu stofnverði að frádregnum fengnum fyrningum, sbr. 1. mgr. Fasteignir má þó eignfæra á gildandi fasteignamatsverði.

Þegar um er að ræða verulega misvísandi niðurstöður um afkomu og stöðu viðskiptabanka eða sparisjóðs er heimilt að víkja frá ákvæðum 1.—2. mgr. að höfðu samráði við bankaeftirlit Seðlabanka Íslands.

Ákvæði 1.—3. mgr. víkja fyrir ákvæðum III. kafla laga nr. 51/1968 um bókhald sem kveða svo á að eignir skuli ekki færa á hærra verði í ársreikningi en raunverulega svarar til verðmætis þeirra.

## 3. gr.

Fjárhæð áfallinna vaxta og verðbóta af eignum og skuldum skal færð í ársreikning miðað við stöðu 31. desember á reikningsári. Eftirtalin frávik eru þó heimil:

- 1) Vexti og verðbætur af innlánnum og skuldum við Seðlabanka Íslands má miða við 20. desember á reikningsári,
- 2) vexti og verðbætur af yfirdráttarlánnum og innlánnum á veltiinnlánsreikningum má miða við 20. desember á reikningsári,
- 3) vexti og verðbætur af afurða- og rekstrarlánnum má miða við 20. desember á reikningsári,
- 4) vexti og verðbætur af spariskírteinum og happdrættisbréfum ríkissjóðs skal miða við skráð gengi Seðlabanka Íslands 1. janúar á næsta ári eftir reikningsár,
- 5) verðbætur af verðtryggðum lánnum til ríkissjóðs vegna lánsfjáráætlunar skal miða við lánskjaravísitölu í desember á reikningsári,
- 6) verðbætur af lánnum, sem eru bundin lánskjaravísitölu, sbr. þó lán samkvæmt 5. tl., skal miða við meðaltal vísitölu í desember á reikningsári og janúar á næsta ári þar á eftir,
- 7) verðbætur af verðtryggðum innlánsreikningum skal miða við vísitölu í janúar á næsta ári eftir reikningsár,
- 8) áfallna dráttarvexti af vanskilum skal reikna að fullu, sbr. þó 3. mgr.

Áfallnar verðbætur samkvæmt 4.—6. tl. 1. mgr. skal færa í efnahagsreikningi með viðkomandi útlánaliðum.

Ákvæði þessarar greinar víkja fyrir ákvæðum 8. gr.

## 4. gr.

Fjárhæð fyrirframgreiddra vaxta af eignum og skuldum skal miða við stöðu 31. desember á reikningsári.

## 5. gr.

Við færslu vaxta eða verðbóta af innlánsreikningum sem bera breytilega ávöxtun skal taka fullt tillit til þeirra vaxta eða verðbóta sem hlutadeigandi innlán hafa áunnið sér í lok reikningsárs.

## 6. gr.

Leiðréttingar vegna tekna og gjalda fyrri ára skal færa sem leiðréttingu á eigin fé í byrjun reikningsárs. Óverulegar fjárhæðir í þessu sambandi skal þó færa sem tekjur eða gjöld reikningsársins.

## 7. gr.

Skuldbindingar, sem miðast við gengi erlends gjaldeyris, skal umreikna til gengis ísl. krónu í lok reikningsárs.

## 8. gr.

Ótryggar kröfur, þ. e. ótrygg útlán og aðrar ótryggar útstandandi kröfur, má ekki meta á herra verði en ætla má að fyrir þær fáiast, sbr. ennfremur 2. mgr. 9. gr.

## 9. gr.

Með gjaldfærslu í rekstrarreikningi skal árlega leggja í afskriftareikning útlána fjárhæð, sem nægir til að reikningurinn án sérstakra útlánaafskrifta, sbr. 2. mgr., nemi að lágmarki 1,0% af útlánnum og ábyrgðum í lok reikningsárs. Með útlánnum skal telja endurlánað erlent lánsfé, áfallna vexti og dráttarvexti.

Fyrirsjáanlegum töpum á útlánnum og öðrum útstandandi kröfum skal mætt með sérstakri útlánaafskrift sem gjaldfærast í rekstrarreikningi og færast til hækkunar á afskriftareikningi útlána.

Endanlega afskrifaðar kröfur skal færa til lækkunar á afskriftareikningi útlána.

Afskriftareikningur útlána skal færður sem frádráttarliður á eignahlíð efnahagsreiknings.

## 10. gr.

Áfallin opinber gjöld vegna rekstrar skal áætla og gjaldfæra í rekstrarreikningi og skuldfæra í efnahagsreikningi miðað við stöðu í lok reikningsárs.

## 11. gr.

Áfallið orlof og orlofsframlag vegna starfsmanna fyrir tímabilið 1. maí — 31. desember skal reikna út miðað við launakjör í lok reikningsárs og gjaldfæra í rekstrarreikningi og skuldfæra í efnahagsreikningi.

## 12. gr.

Til að mæta áætlaðri lágmarksaukningu á lífeyrisskuldbindingum skal, auk reglubundinna iðgjalda, gjaldfæra framlag í sjóð vegna lífeyrisskuldbindinga sem sé 10% af launum ársins. Meðal vaxtagjalda skal færa verðbætur og vexti á stöðu sjóðs vegna lífeyrisskuldbindinga í ársbyrjun. Verðbæturnar skulu miðast við hækkun lánskjaravísitölu frá janúar á reikningsári til janúar á næsta ári. Ársvextir skulu reiknast 2% og skulu þeir verðbættir með framangreindum hætti.

Ákvæði 1. mgr. gilda um ríkisviðskiptabankana, svo og aðra banka og sparisjóði, sem hafa skuldbundið sig til að tryggja starfsmönnum sínum sambærileg réttindi og bætur og starfsmenn ríkisviðskiptabanka njóta, sbr. grein 12.7 í kjarasamningi starfsmanna bankanna frá 20. nóvember 1984.

## 13. gr.

Sé fjárábyrgð stofnlánadeildar, sem er að fullu í eigu banka einungis bundin við eigið fé deildarinnar, skal færa eigið fé hennar sem eign í efnahagsreikningi bankans. Hagnað eða tap af rekstri stofnlánadeildarinnar skal færa í rekstrarreikning bankans sem hagnað eða tap af rekstri deildarinnar. Aðrar breytingar á eigin fé deildarinnar skal færa í endurmatsreikning bankans.

Jafnframt skal bankinn gera samstöðureikning sem tekur til rekstrar og efnahags bankans og viðkomandi stofnlánadeildar.

## 14. gr.

Rekstrarreikningur skal gerður þannig að hann gefi skýra mynd af því hvernig hagnaður eða tap reikningsársins hefur myndast.

## 15. gr.

Efnahagsreikningur skal gerður þannig að hann gefi skýra mynd af eignum, skuldum, eigin fé og ábyrgðum í lok reikningsárs.

## 16. gr.

Í skýringum með ársreikningi skal, auk upplýsinga um reikningssskilaaðferðir og annað sem máli skiptir við mat á afkomu og efnahag, gefa upplýsingar um eftirfarandi atriði með vísun til viðeigandi liða í ársreikningi komi þau ekki greinilega fram í ársreikningnum sjálfum:

- 1) Varanlega rekstrarfjármuni skal sundurliða. Þar komi fram framreiknað kostnaðarverð hvers eignaflokks í byrjun reikningsárs ásamt fengnum fyrningum, endurmat, kaup og sala þessara eigna ásamt afskriftum og niðurfærslum á reikningsárinu. Niðurstöður þessara skýringa skulu vera samanburðarhæfar við einstaka eignaliði í efnahagsreikningi og við afskriftir í rekstrarreikningi,
- 2) gildandi fasteignamatsverð fasteigna og brunabótamatsverð sem gildir frá 1. janúar á næsta ári eftir reikningsár,
- 3) eignarhluta í öðrum félögum og annað áhættufé skal sundurliða. Þar skal greina nafn hvers félags, nafnverð eignarhluta og bókfært verð í efnahagsreikningi,
- 4) upplýsingar um lífeyrisskuldbindingar,
- 5) breytingar, sem orðið hafa á hinum ýmsu liðum eigin fjár frá efnahagsreikningi síðasta árs, skal sundurliða,
- 6) breytingar á mati eða afskriftum eignaliða eða aðrar breytingar frá ársreikningi síðasta árs sem hafa veruleg áhrif á afkomu ársins eða hafa að öðru leyti verulega þýðingu og áhrif þeirra á ársreikninginn,
- 7) heildarfjárhæð eigna og skulda í erlendum gjaldeyri eða þeim liðum efnahagsreiknings, sem háðir eru gengisáhættu eða verðtryggingu,
- 8) breytingar á uppsetningu eða flokkun liða í rekstrarreikningi eða efnahagsreikningi sem haft geta veruleg áhrif á möguleika til samanburðar við ársreikning síðasta árs,
- 9) upplýsingar um veð í eignum bankans/sparisjóðsins.

## 17. gr.

Hjá ríkisviðskiptabönkum skal, auk þeirra atriða sem fram koma í 16. gr., fylgja sundurliðað yfirlit um launagreiðslur, bifreiðakostnað, ferða- og risnukostnað. Sundurliðun einstakra þátta skal vera þannig:

**I. Launagreiðslur:**

- 1) Heildarlaunagreiðslur,
- 2) föst yfirvinna,
- 3) önnur yfirvinna,
- 4) hlutfall yfirvinnu í heildarlaunagreiðslum,  
Upplýsingar skulu fylgja um starfsmannafjölda í lið a, b og c.

**II. Bifreiðakostnaður:**

- 1) Fjöldi ríkisbifreiða og rekstrarkostnaður þeirra,
- 2) notkun bílaleigubifreiða,
- 3) notkun leigubifreiða,
- 4) greiðslur fyrir afnot af bifreiðum starfsmanna.

**III. Risnukostnaður:**

- 1) Föst risna greidd einstökum starfsmönnum,
- 2) risna greidd samkvæmt reikningi.

**IV. Ferðakostnaður:**

- 1) Ferðakostnaður innanlands, þ. m. t. dagpeningar,
- 2) ferðakostnaður utanlands, þ. m. t. dagpeningar.

Sundurliðun varanlegra rekstrarfjármuna í eignaflokka samkvæmt 1. tl. 16. gr. skal vera eftirfarandi hjá ríkisviðskiptabönkum:

- 1) Húseignir, lóðir og lendur,
- 2) vélar, áhöld, húsgögn o. fl.,
- 3) bifreiðar,
- 4) aðrar eignir.

18. gr.

Í ársskýslu skal gefa upplýsingar um atriði, sem eru mikilvæg við mat á fjárhagslegri stöðu og afkomu viðkomandi viðskiptabanka eða sparisjóðs á reikningsárinu og ekki koma fram í efnahags- eða rekstrarreikningi eða skýringum með þeim nema sérstakar ástæður séu til að ætla að slíkt geti skaðað stofnunina. Þetta á einnig við um mikilvæg atriði sem fram hafa komið eftir lok reikningsársins.

19. gr.

Þegar endurskoðaður ársreikningur hefur verið staðfestur af ráðherra eða hlotið samþykki aðalfunda skal afrit af honum sent bankaeftirliti Seðlabanka Íslands.

20. gr.

Reglur þessar eru settar samkvæmt heimild í 37. gr. laga nr. 86/1985 um viðskiptabanka og 41. gr. laga nr. 87/1985 um sparisjóði. Reglurnar öðlast þegar gildi en gilda einnig fyrir það reikningsár sem hófst á árinu 1985, sbr. 2. mgr. 53. gr. laga nr. 86/1985 og 2. mgr. 69. gr. laga nr. 87/1985.

*Viðskiptaráðuneytið, 14. febrúar 1986.*

**Matthías Bjarnason.**

Björn Líndal.

## AUGLÝSING

### um gjaldskrá hlutafélagaskrár.

Samkvæmt 145. gr. laga nr. 32 12. maí 1978 um hlutafélög er gjaldskrá hlutafélagaskrár ákveðin sem hér segir:

	Kr.
1. Skráning nýs hlutafélags .....	2 500,00
2. Skráning útibús erlends hlutafélags .....	2 000,00
3. Aukatilkynningar .....	300,00
4. Löggingdólg skilaneftarmanna vegna slita á hlutafélagi .....	400,00
5. Vottorð úr hlutafélagaskrá .....	60,00
6. Ljósrit .....	25,00

Gjaldskrá þessi öðlast þegar gildi.

Jafnframt fellur úr gildi auglýsing nr. 784 29. desember 1982 um gjaldskrá hlutafélaga-skrár.

*Viðskiptaráðuneytið, 13. febrúar 1986.*

**Matthías Bjarnason.**

Pórhallur Ásgeirsson.